

商機
收料站

PROFILE

特約記者 李卓輝攝，由記者攝得的資料，配以採訪對象自述。
本報記者 李卓輝攝，由記者攝得的資料，配以採訪對象自述。
本報記者 李卓輝攝，由記者攝得的資料，配以採訪對象自述。

BONUS



酒吧度橋 抗禁煙

7月1日起，連娛樂場所包括酒吧、按摩院等，要全面禁煙，令一眾酒吧老闆非常頭痛，猛呻話啲客少咗，而香港酒吧業協會副主席阿Wing都話，7月嘅酒吧平均生意額下跌約2至4成，「好多酒吧老闆同我呻，話禁煙後生意少咗好多，尤其係啲樓上舖，又冇得走出舖頭外面食煙，生意更差。」

為 咗吸引客人幫襯，好多酒吧都諗吓計仔，好似位於尖沙咀嘅酒吧swing，以斯文客為主，禁煙後生意平均跌咗2成，老闆阿Pan就逢星期四推出lady's night，女士免費任飲，每位男士入場任飲啤酒，則收費\$250。「以前我地嘅生意都幾好，冇乜做呢類promotion，但7月份嘅生意真係好差，頭幾日啲客少成3、4成，所以啤啤聲推出lady's night，雖然噏家平均生意都係跌咗起碼2成，但星期四會好啲，起碼有8成full，又可以吸引番啲少食煙嘅女仔客，所以未來都會

keep住做lady's night，同埋會再諗吓點做宣傳。」

開放式酒吧受影響較少

而開咗兩間酒吧嘅Raymond，其中一間酒吧影響比較少，好似以開放式設計嘅Bonus酒吧，坐近門口嘅客人都可以照樣食煙，因為禁煙條例列明，只要天花同牆、門口，覆蓋率係50%以下，就唔屬於室內位置，老闆Raymond話：「好彩呢間酒吧係開放式，客人坐落門口位，因為冇牆同門，唔屬於室內，所以食煙都有問題，啲客唔使吓吓企喺條街度。」不過Raymond另一間於尖東的上樓酒吧，係密封式設計，生意就跌咗超過2成，「我地噏家每個星期，都會推出啲遊戲比賽，好似飛鏢大賽、鬥地主等，搵咗啲酒商做贊

助，勝出者可以搵到500蚊現金獎，希望吸引番啲熟客嚟幫襯，暫時冇比賽嘅日子，都會多番1成左右生意。」

兩年前卡拉OK都俾政府強制禁煙，加州紅營運總監曹生就同我發錢韓講：「當時有即時影響，生意跌咗1成，但我地立即開拓新客路，吸引家庭客，增加小朋友唱嘅兒歌，又推出小朋友套餐，生意額唔使半年就升番。而且客人慣咗禁煙，慢慢都會返嚟幫襯。」

雖然禁煙對酒吧影響幾大，但只要諗計，一樣可以留住客人，等啲客習慣咗禁煙，生意就會好番，加州紅就係一個好例子。噏家香港酒吧業協會仲整緊個網頁，打算8月推出，入面會有齊全港嘅酒吧資料，又會講吓酒吧有咩優惠同活動，希望可以幫到同行吸客，齊齊抗禁煙。



▲ Bonus 老闆 Raymond 有 2 間酒吧，其中一間係開放式設計，生意就跌咗 2 成，而另一間係密封式設計，生意就跌咗超過 2 成。